

第三四六冊

明倫彙編

氏族典

朱姓部

吳姓部

(卷)

卷一

七

古今圖書集成

中華書局影印

古今圖書集成

卷一百一十五

古今圖書集成

中華書局影印

欽定古今圖書集成明倫彙編氏族典

第六十七卷目錄

朱姓部列傳二

晉

朱冲

朱伺

朱鳳

朱燕

朱汎

朱序

朱彤

朱愷之

朱騰

朱憲

朱斌

朱綽

朱謀

朱濤

宋

朱百年

朱齡石

朱超石

朱修之

南齊

朱選之

朱謙之

朱憚

朱幼

朱翼

梁

朱昇

朱肅

朱閏

朱詹

北魏

朱長生

朱就

朱惠行

朱元旭

朱瑞

朱敬道

北齊

朱才



唐

朱子著

朱榮

朱桃椎

朱仁軌

朱敬則

朱佐日

朱季

朱懷珪

朱忠亮

朱泚

朱滔

朱重曜

朱洞

朱克融

朱延齡

朱延嗣

朱玫

朱誕

朱朴

朱延壽

朱灣

朱繇

朱輔

朱友恭

朱宣

朱瑾

朱葆光

朱存

後梁

朱全昱

朱存

朱友諒

朱友能

朱友誨

朱友寧

朱友倫

朱友裕

朱友珪

朱友璋

朱友雍

朱友微

朱友孜

朱友文

朱珍

朱元禮

朱漢賓

朱行先

後唐

朱守殷

朱友謙

朱弘昭

後晉

朱景環

後周

朱匡業

朱澄

朱弼

朱元

朱霄外

氏族典第六十七卷

朱姓部列傳二

晉

朱冲

按晉書朱冲傳冲字巨容南安人也少有至行閑靜寡欲好學而貧常以耕藝為事鄰人失犢認冲犢以歸後得犢於林下大慙以犢還冲冲竟不受有牛犯其禾稼冲屢持芻送牛而無恨色主愧之乃不復為暴咸寧四年詔補博士冲稱疾不應尋又詔曰東宮官屬亦宜得履蹈至行敦悅典籍者其以冲為太子右庶子冲每聞徵書至輒逃入深山時人以為梁管之流冲居近夷俗羌戎奉之若君冲亦以禮讓為訓邑里化之路不拾遺村無凶人毒蟲猛獸皆不為害卒以壽終

朱伺

按晉書朱伺傳伺字仲文安陸人吳平內徙江夏伺有武勇而訥口不知書為郡將督見鄉里士大夫揖稱名而已及為將遂以謙恭稱陳敏作亂陶侃時鎮

江夏以何能水戰署為左甄摧破敏前鋒以功封亭侯領騎督隨侃討杜弢有殊功加威遠將軍建興中陳聲斷江抄掠侃遣何為督護討聲聞晉斬聲首出降加廣威將軍領竟陵內史時王敦用從弟虞代侃為荊州虞西出遣同歸為杜會等所圍還飢山驚創而卒

朱鳳

按武進縣志鳳晉陵人學行清修初為郎至老不調大興初以祕書監華譚薦擢著作佐郎

朱燾

按晉書朱序傳序父燾歷西蠻校尉益州刺史

朱汎

按萬姓統譜汎雲之後大興中為臨海太守有政聲秩滿居蒲墟村遂為義烏人

朱序

按晉書朱序傳序字次倫義陽人也世為名將累遷鷹揚將軍興寧末司馬勳反序為征討都護以功拜征南將軍太和中遷兗州刺史寧康初拜梁州刺史鎮襄陽符堅遣其將來攻序母韓自登城履行序累戰破賊督護李伯護密與賊相應襄陽遂沒序陷於苻堅太元中苻堅南侵謝石率眾距之堅棄小却序時在其軍後唱云堅敗衆遂大奔序乃得歸拜龍驤將軍轉豫州刺史屯洛陽又監兗青二州諸軍事求鎮淮陰帝許焉太元十八年卒

朱彤

按前秦錄彤京兆人隱居不仕堅以王猛為輔國將軍司隸校尉侍中中書令猛上疏辭謝因薦彤以自

代堅不許而以彤為尚書侍郎領太子庶子建元七年以彤為羽林左監同楊安徐成等伐仇池公楊纂戰於陝中纂兵大敗面縛出降彤等振旅而還以功拜祕書監楊安鎮仇池進攻漢川堅遣彤率卒二萬為前鋒晉梁州刺史楊亮帥巴獠之衆來拒戰於青谷亮師不利安乘勝攻拔漢中轉攻梓潼太守周胤固守涪城遣人送母妻自漢水趨江陵彤遂而獲之胤遂降彤益州刺史周仲孫勒兵拒安於綿竹聞堅將毛當將至成都乃率騎奔南中彤等遂陷益州堅以楊安鎮成都彤引兵還仍為祕書監次年有人於堅明光殿大呼曰甲申乙酉魚羊食人悲哉無復遺堅命執之俄而不見彤固請誅鮮卑堅不從建元十二年以前將軍從征伐有功十六年堅作教武堂於渭城命太學生明陰陽兵法者教授諸將彤切諫堅乃止堅宴羣臣於逍遙園令將軍講武文官賦詩有洛陽少年者長不滿四尺而聰博善屬文因彤上逍遙戲馬賦堅覽而奇之曰此文綺藻清麗長卿儔也因善彤之能得士十八年堅欲大舉伐晉彤進曰陛下應天順時恭行天罰必有征無戰萬里風披晉王自當束手軍門堅大悅遂銳意攻晉卒致敗滅

朱愷之

按宋書朱百年傳百年祖愷之晉右衛將軍

朱騰

按宋書朱齡石傳齡石祖騰建威將軍吳國內史

朱憲

按宋書朱齡石傳齡石伯父憲及斌為西中郎袁真將佐憲為梁國內史桓溫伐真真以憲與溫潛通殺

之

朱斌

按宋書朱齡石傳齡石伯父憲及斌為西中郎袁真將佐斌為汝南內史桓溫伐真真以與溫潛通殺之

朱綽

按宋書朱齡石傳桓溫伐袁真於壽陽齡石父綽歸溫攻戰常居先不避矢石壽陽平真已死綽發棺戮尸溫怒將斬之溫弟冲苦請得免綽為人忠烈受冲更生之恩事冲如父參冲車騎軍事西陽廣平太守及冲薨綽嘔血死

朱謐

按宋書朱修之傳修之父謐益州刺史

朱濤

按宋書朱百年傳百年父濤揚州主簿

宋

朱百年

按宋書朱百年傳百年會稽山陰人也少有高情親亡服闋攜妻孔氏入會稽南山以伐樵採薪為業以樵箸置道頭輒為行人所取明且亦復如此人稍怪之積久方知是朱隱士所賣須者隨其所堪多少畱錢取樵箸而去或遇寒雪樵箸不售無以自資輒自榜船送妻還孔氏天晴復迎之頗能言理時為詩詠往往有高勝之言郡命功曹州辟從事舉秀才並不就隱逃避人唯與同縣孔凱友善百年家素貧母以冬月已衣並無絮自此不衣綿帛嘗寒時就凱宿衣悉袂布飲酒醉眠凱以臥具覆之百年不覺也既覺引臥具去體謂凱曰綿定奇溫因流涕悲慟凱亦為

之傷感除太子舍人不就顏峻為東揚州發教餉百年殺五百斛不受孝建元年卒山中時年八十七蔡興宗為會稽太守餉百年妻米百斛百年妻遣婢詣郡門奉辭固讓時人美之以比梁鴻妻

朱齡石

按宋書朱齡石傳齡石字伯兒沛郡沛人也家世將帥齡石少好武事頗輕佻不治崖檢舅淮南將氏人才倖劣齡石使舅臥於廳事一頭剪紙方一寸帖著舅枕自以刀子懸擲之相去八九尺百擲百中初為殿中將軍常追隨桓修兄弟為修撫軍參軍在京口高祖克京城以為建武參軍從至江乘戰事定以鎮軍參軍遷武康令加寧遠將軍高祖又召為參軍補徐州主簿遷尚書都官郎尋復為參軍從征鮮卑坐事免官廣固平復為參軍盧循平以為寧遠將軍寧蠻護軍西陽太守義熙九年遣諸軍伐蜀令齡石為元帥以為建威將軍益州刺史尋加節益州諸軍事蜀平進號輔國將軍尋進監益州巴西梓潼宕渠南漢中秦州之安固懷寧六郡諸軍事封豐城縣侯十一年徵為太尉諮議參軍加冠軍將軍十二年北伐遷左將軍守衛殿省高祖還彭城以齡石為相國右司馬十四年以齡石持節督關中諸軍事右將軍雍州刺史城陷見殺于景符嗣景符卒子祖宣嗣坐奪爵弟隆紹封齊受禪國除

朱超石

按宋書朱齡石傳齡石弟超石亦果銳善騎乘桓謙為衛將軍以補行參軍又參何無忌輔國右將軍事徐道覆破無忌得超石以為參軍至石頭超石乘單

舸走歸高祖高祖以為徐州主簿遷車騎參軍事尚書都官郎尋復補中兵參軍寧朔將軍沛郡太守江陵平從至襄陽領新野太守義熙十二年北伐進克蒲坂以超石為河東太守除中書侍郎封興平縣五等侯關中擾亂高祖遣超石慰勞河洛始至蒲坂值齡石自長安東走至曹公壘超石濟河就之與齡石俱沒為佛佛所殺

朱修之

按宋書朱修之傳修之字恭祖義興平氏人也自州主簿遷司徒從事中郎隨到彥之北伐彥之回留修之戍滑臺遂陷於魏拓拔燾嘉其守節以為侍中妻以宗室女修之潛謀南歸奔馮弘時魏屢伐弘或說弘遣修之歸求救遂遣之泛海至東萊元嘉九年至京邑以為黃門侍郎累遷雍州刺史孝武初為寧蠻校尉加都督南郡王義宣反檄修之舉兵義宣敗以功封南昌縣侯修之治身清約凡所贈貺一無所受惟以撫納羣蠻為務徵為左民尚書轉領軍將軍去鎮秋毫不犯然性儉冠少恩情後墜車折脚辭尚書領太僕卒

南齊

朱選之

按南齊書朱謙之傳謙之兄選之字處林有志節著辯相論幼時顧權見而異之以女妻焉官至江夏王參軍

朱謙之

按南齊書朱謙之傳謙之字處光吳郡錢唐人也父昭之以學解稱於鄉里謙之年數歲所生母亡昭之

假葬田側為族人朱幼方燎火所焚同產姊密語之謙之雖小便哀戚如持喪年長不婚娶永明中手刃殺幼方詣獄自繫縣令申靈勳表上別駕孔稚珪兼記室劉建司徒左西掾張融賤與刺史豫章王曰禮開報仇之典以申孝義之情法斷相殺之條以表權時之制謙之揮刀酬冤既申私禮繫頸就死又明公法今仍殺之則成當世罪人宥而活之即為盛朝孝子殺一罪人未足弘憲活一孝子實廣風德張緒陸澄是其鄉舊應具來由融等與謙之並不相識區區短見深有恨然豫章王言之世祖時吳郡太守王慈太常張緒尚書陸澄並表論其事世祖嘉其義慮相復報乃遣謙之隨曹虎西行將發幼方子憚於津陽門伺殺謙之謙之之兄選之又刺殺憚有司以聞世祖曰此皆是義事不可問悉赦之吳興沈顗聞而歎曰弟死於孝兄殉於義孝友之節萃此一門

朱憚

按南齊書朱謙之傳謙之母亡假葬田側為族人朱幼方燎火所焚永明中手刃殺幼方詣獄自繫世祖嘉其義慮相復報乃遣謙之隨曹虎西行將發幼方子憚於津陽門伺殺謙之謙之之兄選之又刺殺憚有司以聞世祖曰此皆是義事不可問悉赦之

朱幼

按萬姓統譜幼仕齊遷揚州刺史有功人歌曰朱幼護江東人安盜賊空

朱異

按梁書朱異傳異父異以義烈知名官至齊江夏王參軍吳平令

梁

朱昇

按梁書朱昇傳昇字彥和吳郡錢唐人也年數歲好羣集蒲博頗為鄉黨所患既長乃折節從師遍治五經尤明禮易涉獵文史兼通雜藝年二十詣都尚書令沈約面試之舊制年二十五方得釋褐時昇適二十一特敕擢為揚州議曹從事史尋有詔求異能之士召昇直西省俄兼太學博士其年高祖自講孝經使昇執讀還尚書儀曹郎入兼中書通事舍人累遷鴻臚卿太子右衛率尋加員外常侍中大通元年遷散騎常侍自周捨卒後昇代掌機謀方鎮改換朝儀國典詔詰敕書並兼掌之大同八年改加侍中太清元年遷左衛將軍領步兵三年遷中領軍及侯景歸降魏相高澄欲更申和睦勅有司定議昇以和為允高祖果從之八月景遂舉兵反以討昇為名昇因慚憤發病卒詔贈侍中尚書右僕射

朱肅

按梁書朱昇傳昇子肅官至國子博士遇亂卒

朱閏

按梁書朱昇傳昇子閏司徒接遇亂卒

朱詹

按顏氏家訓梁世義陽朱詹世居江陵後出揚都好學家貧無資累日不爨乃時吞紙以實腹寒無氈被抱犬而臥猶不廢業卒成學士官至鎮南錄事參軍為孝元所禮

北魏

朱長生

按魏書朱長生傳長生代人也高祖時以長生為員外散騎常侍使高車至其庭高車主阿伏至羅責長

生等拜長生拒之曰我天子使安肯拜下土諸侯阿伏至羅乃不以禮待長生以金銀寶器奉之至羅既受獻長生曰為臣內附宜盡臣禮何得口云再拜而實不拜呼出帳命衆中拜阿伏至羅慚其臣下大怒曰帳中何不教我拜而辱我於大衆奪長生等獻物內之叢石之中兵脇之曰汝能為我臣則活如其不降殺汝長生瞋目厲聲責之至羅彌怒絕其飲食分徙之積三歲乃得還高祖以長生等守節遠同蘇武甚嘉之拜長生河內太守賜爵五等男從者皆為令長

朱就

按北史朱瑞傳瑞祖就沛縣令贈刺史

朱惠行

按北史朱瑞傳瑞父惠行太原太守贈刺史

朱元旭

按魏書朱元旭傳元旭字君昇本樂陵人祖霸真君末南叛投劉義隆遂居青州之樂陵元旭頗涉子史開解几案起家清河王國常侍太學博士員外散騎侍郎頗使高麗除尚書度支郎中神龜末以郎選不精大加沙汰元旭以才用見留尋加鎮遠將軍兼尚書右丞仍郎中本州中正除通直散騎常侍永安初加平東將軍尚書左丞光祿大夫後轉司農少卿遷衛將軍左光祿大夫天平中復拜尚書左丞朝廷分汲郡河內二界以立義州除元旭使持節驃騎將軍義州刺史武定三年卒於州贈本將軍幽州刺史

朱瑞

按北史朱瑞傳瑞字元龍代郡桑乾人余朱榮引為大行臺郎中甚見親任以為黃門侍郎仍中書舍人封陽邑縣公及元顥內逼從車駕於河陽除侍中兼吏部尚書改封北海郡公莊帝還洛改封樂陵郡公瑞雖為余朱榮所委而善處朝廷間帝亦賞遇之轉滄州大中正時余朱天光擁衆關右帝招納之乃以瑞兼尚書左僕射為西道大行臺以慰勞焉會余朱兆入洛還京師都督斛斯椿先與瑞有隙數譖之於世隆世隆遂誅之太昌初贈開府儀同三司青州刺史諡恭穆

朱敬道

按魏書朱元旭傳元旭子敬道武定中司徒長流參軍

北齊

朱才

按北齊書顏之推傳朱才字待問吳郡人蕭莊在淮南以才兼散騎常侍副袁吏入朝莊敗留都稍遷國子博士諫議大夫齊亡客遊信都而卒

唐

朱子奢

按唐書朱子奢傳子奢蘇州吳人從鄉人顧彪授左氏春秋善文辭隋大業中為直祕書學士天下亂辭疾還鄉里後從杜伏威入朝授國子助教太宗貞觀初高麗百濟同伐新羅連年兵不解新羅告急帝假子奢員外散騎侍郎持節諭旨平三國之憾子奢有儀觀裔人尊畏之二國上書謝罪贈遺甚厚初子奢

行帝戒曰海裔重學卿為講大諒然勿入其幣還當以中書舍人處卿子奢唯唯至其國為發春秋題納其美女帝責違旨而猶愛其才以散官直國子學累轉諫議大夫弘文館學士子奢為人樂易能劇談以經誼緣飾每侍宴帝令論難羣臣思禮甚為卒於官

朱象

按唐書朱象傳象亳州城父人初為縣史大業中從軍伐賊長白山亡命去為盜號可達寒賊自稱迴樓羅王衆十萬度淮屠竟陵沔陽轉剽山南所至殘戮無遺噍噍號楚帝建元為昌達所克州縣皆發藏粟以食遷徙無常不務稼穡專以劫為資於是人大餓死者係路其軍亦匱乃掠小兒烝食之勒所部略婦人孺兒分烹之又稅諸城細弱以益糧俄而諸城懼皆逃散顯州首領楊士林田瓚起兵攻象象大敗挈殘士奔菊潭遣使乞降高祖以前御史大夫段確假散騎常侍勞之確醉戲象象收確於坐并從者數十悉戮之以饗左右遂屠菊潭奔王世充署龍驤大將軍東都平斬洛水上

朱桃椎

按唐書朱桃椎傳桃椎益州成都人澹泊絕俗被裘曳索人莫能測其為長史寶軌見之遺以衣服鹿幘鹿鞭逼署鄉正委之地不肯服更結廬山中夏則巖冬緝木皮葉自蔽贈遺無所受嘗織十芒屨置道上見者曰居士屨也為麝米芘易之置其處輒取去終不與人接其為麝草柔細環結促密人爭躡之高士廉為長史備禮以請降階與之語不答瞪視而出士廉拜曰祭酒其使我以無事治蜀邪乃簡條目薄賦

歛州大治屢遣人存問見輒走林草自匿云

朱仁軌

按唐書朱敬則傳敬則兄仁軌字德客隱居養親嘗誨子弟曰終身讓路不枉百步終身讓畔不失一投及卒郭山樞員半千魏知古共諡為孝友先生

朱敬則

按唐書朱敬則傳敬則字少連亳州永城人咸亨中授洹水尉久之除右門闕初武后稱制天下頗流言遂開告密羅織之路與大獄誅將相大臣至是已革命事益寧敬則諫后善其言遷正諫大夫進同鳳閣鸞臺平章事以老疾還政俄改咸亨祭酒冬官侍郎易之等譏三教殊英又繪武三思等十八人像以為圖欲引敬則固辭不與世潔其為人出為鄭州刺史貶涪州代還卒

朱佐日

按尚友錄佐日蘇州人仕為御史工於詩武后嘗吟詩曰白日依山盡黃河入海流欲窮千里目更上一層樓問是誰作李嶠對曰御史朱佐日詩也

朱季

按萬姓統譜季南陽令吏畏其威民懷其惠肅宗召拜僕射上便宜報曰補公家之空不累清白之素斯善美之士也

朱懷珪

按唐書朱泚傳泚父懷珪事安史二賊偽署柳城使

朱忠亮

按唐書朱忠亮傳忠亮字仁輔汴州浚儀人舉明經不中往事昭義節度使薛嵩為裨將屯普潤開田時

糧以功擢太子賓客朱泚亂率麾下四十騎至奉天封東陽郡王為定難功臣扈符梁州為賊鈔獲繁長安獄賊平李晟釋之奏諫本軍累遷定平軍使憲宗立加御史大夫授涇原四鎮節度使本名士明至是賜今名有勞封丹陽卒贈尚書右僕射諡曰靈

朱泚

按唐書朱泚傳泚幽州昌平人資壯偉腰腹十圍外寬和中實狠刻父廕籍軍中與弟滔並為李懷仙部將輕財好施陰儲凶德朱希彩為節度使頗委信之大曆七年希彩為下所殺衆共詣泚推知留後遣使至京師聽命有詔檢校左散騎常侍即拜盧龍節度留後俄遷節度使封懷寧郡王居三年求入朝宴賓隆渥滔攝後務稍翦落泚牙角泚自知為滔所賣乃請留京師帝因分防秋兵使各有統汴朱滔青兵泚主之進同中書門下平章事出屯奉天賜禁中兵以為龍遷檢校司空代李抱玉為龍右節度副大使仍知河西澤潞行營兵馬事明年從王遂寧德宗立改鎮鳳翔建中初詔加中書令進拜太尉滔合田悅叛陰遣人與泚相聞帝以張鑑節度鳳翔遷泚京師不朝請中人監第李希烈圍哥舒曜於襄城詔涇原節度使姚令言督兵救曜過闕下軍變衆劫令言西行帝復遣使者開諭賊已陣通化門殺使者帝遣普王與學士姜公輔兼金綵慰撫賊薄丹鳳門帝出奔奉天令言以泚失權思亂乃相謀迎泚居白華殿泚僭即皇帝位號大秦建元應天泚自將偏奉天城圍凡三旬有六日李懷光以兵五萬至泚引去與元元年泚以本封遂寧漢地也更號漢改元天皇會李懷

光武於帝不欲泚平按軍觀望帝狩梁州懷光遂與泚連和李晟等兵浸疆土益附薄光泰門遂至白華泚出奔猶餘范陽卒三千因保彭原西城泚腹心夜射泚墜窖中共斬泚傳首以獻泚死年四十三

朱滔

按唐書朱滔傳滔性變詐多端朱希彩以同宗倚愛之使主帳下親兵泚領節度遣滔將兵三千爲天子西乘塞爲諸軍倡始滔戍還乃謀奪泚兵說泚入朝稍不相平泚遂乞畱以滔權知畱後兼御史大夫滔威振軍中進檢校司徒遂領節度時馬燧田悅悅窮間滔與王武俊同叛天子以悅未下重起兩寇即封滔通義郡王滔愈恃分兵與武俊屯趙州即引兵救悅悅德滔援欲尊而臣之議如七國並建號滔因號冀建中三年爲壇魏西祀天各僭爲王滔爲盟主改幽州爲范陽府以子爲府畱後及泚反遣人密召滔使趨洛陽滔使王邕說悅連和俱西滔素彊調餽武俊等不能堪又令各以兵五千從攻洛欲僭稱帝乘輿法從及赦令皆具過武俊境武俊勢之牛酒芻米皆具然悅已用武俊謀不肯出儲峙於野以待滔滔疑之軍北還聞悅死遂攻魏州於是武俊李抱真合軍擊滔滔大敗俄而京師平滔不能軍走還幽州上書待罪初滔以劉怱忠力使畱守及敗氣沮索日邑邑被病政事一委怱貞元元年死贈司徒

朱重耀

按唐書朱泚傳重耀事泚最親近泚呼爲兄會窮冬大雨泚欲廢燭殺重耀以王禮葬

朱泚

按唐書朱克融傳幽州亂因張弘靖時克融父洄號有智諳以疾廢臥家衆往請爲帥洄辭

朱克融

按唐書朱克融傳克融洄孫也以偏校事劉總總將入朝慮後有變籍其軍材勇與黠暴不制者悉薦之朝克融在遣畱京師久之不得調數詣宰相求自試皆不聽內怨忿會張弘靖赴鎮因悉遣還俄幽州亂因弘靖推克融領軍務詔以劉悟爲節度使馳往而瀛冀皆附克融悟不得入朝廷度幽薊未可復取乃拜克融檢校左散騎常侍爲幽州盧龍節度使長慶元年也明年進檢校工部尚書敬宗初遷檢校司空賜邊屯時服克融以帛疏惡因詔使帝怒用裴度謀忍不問進爵吳興郡王是年軍亂殺克融及其子延齡詔贈司徒

朱延齡

按唐書朱克融傳幽州軍亂殺克融及其子延齡

朱延嗣

按唐書朱克融傳幽州軍亂殺克融子延嗣立領畱後爲大將軍李載義殺而代之并族其家

朱攻

按唐書朱攻傳攻邠州人少以材武爲州戍將黃巢盜長安有王攻者爲僞節度使攻陽事之乘間斬王攻以畱後讓李重古約合兵計巢廣明年擢晉州刺史進邠寧節度使屯興平拜河南都統引兵屯中橋進西北面都統賊平授同中書門下平章事封吳興侯僖宗幸鳳翔攻劫嗣襄王燭奉爲帝自號大丞相專決萬機及王行瑜敗歸開購得攻者以邠寧節

度畀之即勒兵倍道趨長安攻方據几署事兵入斬之即傳首興元帝爲受俘馘

朱誕

按萬姓統譜誕温州刺史後二弟褒叔相繼刺温州杜荀鶴寄以詩云永嘉爲郡昔推名連屬君家弟與兄教化盡歸襄渤海文章尚出謝宣城蓋亦一時所推云

朱朴

按唐書朱朴傳朴襄州襄陽人以三史舉由荆門令進京兆府司錄參軍改著作郎乾寧初擢國子毛詩博士朴爲人木彊無它能所善方士許巖士得幸出入禁中言朴有經濟才又水部郎中何迎亦表其賢擢左諫議大夫同中書門下平章事俄判戶部進中書侍郎帝益治兵所處可一委朴數月巖士爲韓建所殺朴罷爲祕書監三貶郴州司戶參軍卒

朱延壽

按唐書朱延壽傳延壽廬州舒城人事行密破秦彥畢師鐸趙錞孫儒功居多表爲淮南節度副使以功遷壽州團練使昭宗在鳳翔擢奉國軍節度使田頔附全忠延壽陰約絕行密行密憂甚給病目行觸柱僵妻延壽姊也掖之行密泣曰吾喪明諸子幼得舅代我無憂矣姊遣婢報延壽疾走揚州禽殺之

朱灣

按唐詩紀事朱灣字巨源西蜀人號滄洲子

朱繇

按蘇軾詩已將鐵石充逸少更補朱繇爲道元注朱繇唐末人善畫世所收吳畫多朱繇筆也

朱輔

按萬姓統譜輔字德臣耽學向高隱居不仕著茶山錄六卷

朱友恭

按唐書柳察傳朱全忠恨帝無傳禪意乃謀弑以絕人望因令其屬李振諭將元暉元暉與龍武統軍朱友恭夜選勇士百人叩行在見帝遂弑之全忠自河

朱宣

按五代史朱宣傳宣宋州下邑人也少從其父販鹽為盜父抵法死宣乃去事青州節度使王敬武為軍校敬武以諫其將曹全晟中和二年晟入關破黃巢還過鄆州鄆州節度使薛宗全晟遂據鄆州宣以戰功為鄆州馬步軍都指揮使已而全晟死軍中推宣為副後唐僖宗即拜宣天平軍節度使梁太祖鎮宣武以兄事宣太祖已襲取滑州稍欲并吞諸鎮乃馳檄兗鄆言宣多誘宣武軍卒亡以東乃發兵收亡卒因攻之遂為敵國乾寧四年宣敗走中都為葛從周所執斬於汴橋下

朱瑾

按五代史朱宣傳瑾宣從父弟也從宣居鄆州補軍校少倜儻有大志兗州節度使齊克讓愛其為人以女妻之瑾行親迎乃選壯士為與夫伏兵器與中夜至兗州遂擄克讓自稱留後僖宗即拜瑾泰寧軍節度使瑾與宣已破秦宗權於汴州梁太祖責瑾誘宣武軍卒以歸攻瑾凡十餘年大小數十戰瑾兵屢敗

乃奔於淮南楊行密聞瑾來大喜表瑾領武寧軍節度使以為行軍副使行密累表瑾東南諸道行營副都統領平盧軍節度使同中書門下平章事行密死渥及隆演相繼立皆年少徐溫與其子知訓專政畏瑾欲除之瑾乃殺知訓遂自刻瑾名重江淮其死也尸之廣陵北門路人私共瘞之

朱葆光

按宋史朱昂傳昂世家漢陂唐天復末徙家南陽梁祖篡唐葆光與唐舊臣顏堯李濤數輩挈家南渡寓潭州每正旦冬至必序立南岳祠前北望號慟殆二十年後濤北歸葆光樂衡山之勝遂往家焉

朱存

按宋史藝文志朱存金陵覽古詩二卷

後梁

朱全昱

按五代史梁家人傳太祖二兄曰全昱曰存廣王全昱太祖即位封太祖與存俱亡為盜全昱獨與其母猶寄食劉崇家太祖已貴乃與其母俱歸宣武領嶺南西道節度使以太師致仕貞明二年以疾薨

朱存

按五代史梁家人傳太祖仲兄存初與太祖俱從黃巢攻廣州存戰死太祖即位追封明王

朱友諒

按五代史梁家人傳廣王全昱子友諒衡王乾化元年升宋州為宣武軍以友諒為節度使貞明二年全昱薨徙友諒嗣封廣王以友諒欲為亂召還京師被幽囚梁莊宗入汴見殺

朱友能

按五代史梁家人傳全昱子友能惠王貞明二年為宋滑二州留後陳州刺史所至為不法姦人多依倚之四年友能以陳州兵反犯京師至陳雷兵敗還走陳州後數月降宋帝赦之降為房陵侯以友能欲為亂召還京師被幽囚梁莊宗入汴見殺

朱友諒

按五代史梁家人傳全昱子友諒邵王貞明四年為陳州節度使欲以州兵為亂宋帝召還京師被幽囚梁莊宗入汴見殺

朱友寧

按五代史梁家人傳存子友寧字安仁幼聰敏喜愠不形於色太祖以為軍校善用弓劍遷衙內制勝都指揮使龔州刺史太祖圍鳳翔遣友寧東備宣武王師範梁梁圍齊州友寧引兵擊之奪馬千匹斬首數千級太祖奉昭宗還京師拜友寧建武軍節度使賜號迎鑾毅勇功臣太祖復遣攻師範戰於石樓兵敗友寧墜馬見殺太祖即位追封安王

朱友倫

按五代史梁家人傳存子友倫幼明敏通論語小學曉音律太祖以為元從馬軍指揮使表右威武將軍累遷檢校司空領藤州刺史昭宗還長安拜友倫寧遠軍節度使太祖東歸留友倫宿衛伺察昭宗所為友倫擊鞠墜馬死太祖即位追封密王

朱友裕

按五代史梁家人傳太祖子友裕開平元年追封郴王友裕字端夫幼善騎射從太祖征伐能以寬厚得

士卒心太祖鎮宣武以爲衛內都指揮使權知許州遷諸軍都指揮使與平兗鄆還領許州太祖兼鎮護國軍以友裕爲副後遷忠武軍節度使太祖攻邠州楊崇本以邠州降後崇本復叛太祖遣友裕攻之屯於永壽以疾卒

朱友珪

按五代史梁家人傳太祖子友珪開平元年封郢王友珪太祖鎮宣武略地宋毫間與逆旅婦人野合而生也長而辯黠多智太祖病召友文欲以後事屬之以友珪爲萊州刺史太祖素剛暴既病而喜怒難測是時左降者必有後命友珪大懼乃易服微行入左龍虎軍見統軍韓勅討事勅夜以牙兵五百隨友珪雜控鶴衛士而入夜三鼓斬關入萬春門至寢中友珪親吏馮廷諤以劍犯太祖洞其腹腸胃皆流友珪遣丁昭浦馳至東都殺友文乾化二年六月既盟友珪於柩前卽皇帝位改元曰鳳曆太祖外孫袁象先與駙馬都尉趙巖等謀討賊二月象先以禁兵入宮友珪與妻張氏趨北垣樓下使馮廷諤進刃其妻及己未帝卽位廢爲庶人

朱友璋

按五代史梁家人傳太祖子友璋開平元年封爲福王友璋初爲壽州團練使押左右番殿直監豐德庫友珪時爲鄆州雷後未帝時爲忠武軍節度使徙鎮武寧

朱友雍

按五代史梁家人傳太祖子友雍開平元年封爲賀王

朱友徽

按五代史梁家人傳太祖子友徽開平元年封爲建王

朱友孜

按五代史梁家人傳太祖子友孜未帝卽位封康王友孜目重瞳子嘗竊自負以爲當爲天子貞明元年未帝德妃薨將葬友孜使刺客夜入寢中未帝方寐夢人害已既寤聞榻上寶劍鎗然有聲躍起索寢中得刺客手殺之遂誅友孜

朱友文

按五代史梁家人傳博王友文字德明本姓康名勤幼美風姿好學善談論頗能爲詩太祖養以爲子太祖領四鎮以友文爲度支鹽鐵制置使太祖卽位以故所領宣武宣義太平護國四鎮征賦置建昌宮總之以友文爲使封博王太祖幸西都友文留守東京太祖卽位嫡嗣未立心嘗屬友文太祖病召友文欲以後事屬之以友珪爲萊州刺史是時左降者必有後命友珪大懼乃弑太祖旋遣丁昭浦馳至東都殺友文未帝卽位復友文官爵

朱珍

按五代史朱珍傳徐州豐城人少從梁太祖爲盜珍爲將善治軍選士太祖初鎮宣武珍爲創立軍制甚有法梁敗黃巢破秦宗權東并兗鄆在戰中常勇出諸將是時梁兵尚少數爲宗權所困太祖乃拜珍淄州刺史募兵於淄青梁軍威大振以得珍兵故也李唐賓者陝西陝人也與珍威名略等珍與唐賓不協拔劍斬之太祖大怒珍遂縊死

朱元禮

按五代史朱漢賓傳漢賓父元禮爲軍校從梁軍戰歿於清口

朱漢賓

按五代史朱漢賓傳漢賓字績臣亳州譙人爲人有膽力梁太祖以其父死戰憐之以爲養子是時梁方東攻兗鄆鄆州朱瑾募軍中驍勇者號爲子都太祖乃更選勇士號落鴈都以漢賓爲指揮使及漢賓貴人猶以爲朱落鴈漢賓事梁爲天威軍使歷磁滑宋毫曹五州刺史安遠軍節度使莊宗滅梁罷爲右龍武統軍待之頗薄明宗入立以漢賓爲右衛上將軍昭義軍節度使以太子少保致仕清泰二年卒晉高祖時贈太子少傅諡貞惠

朱行先

按十國春秋吳越朱行先字蘊之海鹽人也燕領虎頭援臂善射時人稱曰小由基起家建寧都將事湖州刺史高彥屢立戰功武肅擢爲節度左押牙親衛第三都指揮使及彥子澧敗率衆自歸號協力勤王功臣再加佐正匡國功臣晉秩檢校尚書右僕射御史尋爲靜海鎮遏使在鎮恩威並行甚著聲譽凡十有五年寶大元年七月卒於官年七十二贈銀青光祿大夫上柱國弟三人行存行動行忠子從訓智紹不仕元晟元杲俱節度使散將元昇節度下將元寶元勝元贊凡八人

後唐

朱守殷

按五代史朱守殷傳守殷少事唐莊宗爲奴名曰會

兒莊宗讀書會兒常侍左右莊宗即位以其廝養爲長直軍以守殿爲軍使故未嘗經戰陣之用然好言人陰私長短以自結遷蕃漢馬步軍都虞候使守德勝同光二年領鎮武軍節度使既而明宗反於魏莊宗東討守殿將騎軍陣宣仁門外以俟駕郭從謙作亂犯與教門以入莊宗急召守殿軍守殿按軍不動聞莊宗已崩遣人趣明宗入洛明宗即位拜守殿同中書門下平章事河南尹判六軍諸衛事明年遷宣武軍節度使明宗詔幸汴州守殿不自安乃閉城反明宗遣范延光馳兵傳其城汴人開門納延光守殿自殺其族乃引頸命左右斬之明宗至汴州梟首於市傳徇洛陽

朱友諒

按五代史朱友諒傳友諒字德光許州人初名簡以卒隸澠池鎮有罪亡去爲盜久之去爲陝州軍校陝州節度使王珙爲人嚴酷與其弟珂爭河中戰敗其牙將李璠與友諒謀共殺珙附於梁梁太祖表璠代珙璠立友諒復以兵攻之璠逃去梁太祖又表友諒代璠梁兵西攻李茂貞太祖往來過陝友諒奉事尤謹因請曰幸同姓願更名以齒諸子太祖乃更其名友諒錄以爲子太祖即位徙鎮河中累遷中書令封冀王太祖遇弒友諒立加友諒侍中友諒雖受命而心常不平已而友諒使召人觀友諒不行乃附於晉末帝即位復臣於梁貞明六年友諒遣其子令德襲同州逐節度使程全暉因求兼鎮末帝初不許已而許之制命未至友諒復叛附晉晉封西平王加守太尉莊宗滅梁入洛友諒來朝賜姓名曰李繼麟明年

加守太師尚書令以其子令德爲遂州節度使令錫忠武軍節度使恩寵之盛時無與比是時宦官伶人用事多求賂於友諒友諒不能給宦官伶人皆怒伶人景進言友諒謀反友諒聞之大恐入朝自明景進使人詐爲變書告友諒反莊宗惑之乃徙友諒義成軍節度使遣朱守殷夜以兵圍其館驛友諒出徽安門外殺之復其姓名族誅

朱弘昭

按五代史朱弘昭傳弘昭太原人也少事明宗爲客將明宗即位爲文思使董璋爲東川節度使乃以弘昭爲副使還京師遷左衛大將軍內客省使宣徽南院使罷爲左武衛上將軍久之爲山南東道節度使是時明宗已病而秦王從榮禍起有端樞密使范延光趙延壽日夕求去以弘昭及馮贇代延壽延光乃殺秦王而立愍帝路王從珂反愍帝大懼遣人召弘昭計事弘昭欲自裁使者促弘昭入見甚急乃自投於井以死漢高祖即位贈弘昭尚書令

後晉

朱景環

按十國春秋吳越朱景環筭術神妙天寶中廣陵王元瑒鎮中吳軍景環居盤門驛上書云蒞任後法當三十年安寧元瑒以其說甚遠未之奇也隨命燭燕去至天福子丑間忽憶其事亟召景環叩之曰筭數定矣願大王計後事已而竟如其言

後周

朱匡業

按十國春秋南唐朱匡業吳奉國節度使延壽子也

延壽以謀叛誅匡業時尚幼稍長嗜酒使氣烈祖輔吳拔爲軍校積功至諸軍都虞候昇元中出爲歙州刺史有政績改建州雷後還朝授神衛統軍周侵淮南中外震駭盜乘間多竊發以匡業爲內外巡檢使嚴而無私犯令無所貸四郊肅然夜戶不閉正陽喪師朱元叛元宗議親征召匡業及統軍劉存中問方略匡業輒對曰運數之與天地皆助大事若去雖英雄亦無如之何存中從旁贊之忤旨貶匡業撫州團練使流存中饒州後王襲位召拜神武統軍加中書令卒子崇俊短陋羸瘠而妙於騎擊馳突若神先匡業死

朱元

按十國春秋南唐朱元潁州沈丘人即舒元也少倜儻辨捷彊記通左氏春秋元既與李平雷事元宗以駕部員外郎待詔文理院保大末周師入淮南元請對言兵事元宗大悅命從齊王景達救壽州元善撫士卒與同甘苦每臨戰誓衆辭旨慷慨涕洟被面聞者皆有奮志初復舒和蘄州以功加淮南北面行營應援都監繼與邊鎬許文稱柵寨金山軍聲頗振益柵且及壽州元特功時或違景達節制監軍使陳覺素與元有隙且妒其能屢表元本學術縱橫不可信不宜付以兵柄元宗乃命楊守忠代之守忠至元帥府景達檄元計事元遂舉寨降周事聞元宗大怒族其家元歸周復姓舒世宗愛其驍果以爲蔡州團練使其母猶在沈丘遂迎養焉宋太祖受禪遷汀州防禦使改白皮兵馬都監太平興國二年卒年五十五贈武泰軍節度使

朱澄

按圖繪寶鑑朱澄事江南爲翰林待詔工畫屋木嘗與高太冲等合畫雪景宴圖時稱絕手

朱霄外

按十國春秋吳越朱霄外台州道士也素有道術爲忠懿王所知遂命葺台州之白雲庵爲棲霞宮以霄外主之

朱彌

按萬姓統譜彌仕南唐爲廬山國學助教動持禮法每升堂講釋生徒環立各執疑難問辯峰起彌應聲解說莫不造理以故諸生咸服四方肄業者多造焉

欽定古今圖書集成明倫彙編氏族典

第六十八卷目錄

朱姓部列傳三

宋

朱光	朱昂
朱協	朱賦
朱台符	朱昌符
朱公佐	朱壽隆 眉山
朱正彝	朱正辭
朱正基	朱道誠
朱壽隆 廣州	朱臨
朱彥博	朱軾
朱敏	朱景
朱紱	朱壽昌 父異
朱京	朱服
朱蒙正	朱定國
朱光庭	朱長文
朱格	朱勣
朱勝非	朱謬
朱缶	朱嗣孟
朱倬	朱昭
朱震	朱敦儒
朱弁	朱懷英
朱庭傑	朱勣
朱處	朱蹕
朱良	朱友恭
朱孟常	朱澡

朱翌

朱松

朱晞

朱著

朱黼

朱堃

朱應元

朱天錫

朱鑑

朱之純

朱龍文

朱燭

朱泰

朱收

元

朱國寶

朱德潤

朱夏

朱汝諧

朱仕俊

朱安國

朱熹

朱景文

朱伯雄

朱塾

朱在

朱舜庸

朱伯陽

朱洪範

朱夢炎

朱煥文

朱龜孫

朱浚

氏族典第六十八卷

朱姓部列傳三

宋

朱光

按山西通志光河曲人初仕周世宗領永州防禦使宋太祖受禪以翊戴功擢爲龍捷右廂指揮使領軍征南得利而歸帝曰他日見君面今日見君心吾事就矣歷仕節度使乞老卒封沛郡開國公

朱昂

按宋史朱昂傳昂字舉之其先京兆人世家漢陂唐天復末徙家南陽梁祖篡唐父祿光挈家南渡樂衡山之勝遂往家焉昂少與龍若谷鄧洵美同學朱遵度好讀書人號之爲朱萬卷昂昂爲小萬卷昂嘗間行經廬陵道遇異人謂之曰中原不久當有真主平一天下子仕至四品安用南爲遂北遊江淮時周世宗南征韓令坤統兵至揚州昂謁見陳治亂方略令坤奇之署知揚州揚州縣宋初爲衡州錄事叅軍歷宜城令開寶中拜太子洗馬知蓬州徙廣安軍會渠州妖賊李仙衆萬人劫掠軍界昂設策禽之蜀民遂安宰相薛居正稱其能遷殿中丞知泗州就遷監察御史江南轉運副使太平興國二年知鄂州加殿中侍御史爲峽路轉運副使就改庫部員外郎遷轉運使端拱二年以本官直祕閣賜金紫久之出知復州表求謝事不許遷水部郎中復請老召還再直祕閣尋兼越王府記室叅軍眞宗即位遷秩司封郎中依制詰判史館受詔編次三館祕閣書籍既畢加吏部咸平二年召入翰林爲學士踰年拜章乞骸骨乃

拜工部侍郎致仕昂於所居建二亭曰知止曰幽棲頗好釋氏書晚歲自爲墓誌景德四年卒年八十三門人諡曰正裕先生詔加贈贈錄其孫适出身

朱協

按宋史朱昂傳昂弟協以純謹著稱仕至主客郎中雍王府翊善告老歸兄弟皆眉壽時人比漢之二疏知府陳堯咨署其居曰東西致政坊

朱賦

按宋史朱台符傳台符父賦舉拔萃歷度支判官卒于殿中丞

朱台符

按宋史朱台符傳台符字拱正眉山人淳化三年進士登甲科解褐將作監丞通判青州召入直史館再遷祕書丞知浚儀縣咸平元年知貢舉供擢太常博士出爲京西轉運副使二年入爲鹽鐵判官改判戶部勾院拜工部員外郎換度支判官景德初鄭文寶爲陝西轉運或言其張皇生事徙台符代之台符俊爽好謀然頗以刻碎爲舉職與楊覃聯事以不協聞徙台符知鄧州三年召還會執政有不喜者復出知洪州卒於舟次

朱昌符

按宋史朱台符傳台符弟昌符大中祥符中舉進士爲屯田員外郎

朱公佐

按宋史朱台符傳台符子公佐大中祥符中進士

朱壽隆

按宋史朱台符傳台符子壽隆試將作監主簿

朱正彝

按宋史朱昂傳昂子正彝登進士第

朱正辭

按宋史朱昂傳昂子正辭登進士第

朱正基

按宋史朱昂傳昂子正基虞部員外郎

朱道誠

按萬姓統譜道誠全州人幼喪父事母至孝母卒廬於墓側感冬筍生瑞竹覆其墓州以聞詔賜絹米其子揚善孝亦如之至和中詔賜絹米如父恩

朱壽隆

按宋史朱壽隆傳壽隆字仲山密州諸城人以蔭知九隴縣知宿州擢提點廣西刑獄歷鹽鐵度支判官夔路轉運使復爲鹽鐵判官京東轉運使以少府監知揚州卒壽隆爲人和厚而不屈於權貴秋青討賊欲殺裨將不用命者壽隆極論罪不當死青感其言而止

朱臨

按萬姓統譜臨歸安人登皇祐元年進士第嘗從安定先生學後爲鄉邦學者所宗

朱彥博

按萬姓統譜彥博梓鄉人嘉祐間進士通判順州上神宗書極言當世利害歷知虔饒解三州所至有聲嚴而不苛明而不察官吏畏之如神

朱軾

按尚友錄軾南豐人嘗從曾學性寬夷輕財急義悉以祖業讓弟軫獨取故居曰此先人廬不可失也

仕爲房州司戶

朱敏

按萬姓統譜敏字納之零陵人舉進士歷邵陽丞辰州判官天資重厚持身廉正居官不事威嚴而人自悅服與人交不詔不瀆言貌粹和見者心醉

朱景

按宋史朱景傳景字伯晦河南偃師人舉進士調繁澤薄西方用兵詔侍從館閣舉縣令景預選知龍州汧源縣累遷知汝州擢知壽州秩祿視提點刑獄再遷光祿卿熙寧初病革自占遺表凡數百言無一語求恩卒詔加贈贈錄其子以官

朱絳

按僊遊縣志絳字君貺治平四年登進士甲科元祐二年除王宮大小學教諭尋外除紹聖初除諸王宮侍講再遷翊善元符初除都官員外郎時鄭浩以論元符后不當立竄新州貧甚絳率親舊出金贖行以絳特厚追一官勒停徽宗登極以藩邸舊臣召至闕累遷右諫議大夫忤大臣意出知壽州崇寧元年上思其忠進寶文閣待制真定府路安撫使二年中丞石豫力肆詆誣落職提舉杭州洞霄宮官入元祐黨籍五年上以星變凡謀黨籍者悉蒙湔洗起知福州蔡京復相絳遂罷大觀元年依舊落職提舉洞霄宮卒於家官至左朝請大夫

朱壽昌父異

按宋史朱壽昌傳壽昌字康叔揚州天長人以父吳蔭守將作監主簿累調州縣通判陝州判南權知岳州州濱湖多盜壽昌窮討之盜爲少弭富弼韓琦爲

相遣使寬恤民力擇壽昌使湖南或言邵州可置治
朱金者有詔與作壽昌言罷之知閬州大姓雍子良
屢殺人挾財與勢得不死至是又殺人而略其里民
出就吏獄具壽昌覺其姦取子良正諸法郡稱爲神
壽昌母劉氏異妾也異守京兆劉氏方娠而出壽昌
生數歲始歸父家母子不相聞五十年行四方求之
不置飲食罕御酒肉言輒流涕用浮屠法灼背燒頂
刺血書佛經力所可致無不爲者熙寧初與家人辭
訣棄官入秦曰不見母吾不返矣遂得之於同州劉
時年七十餘矣嫁党氏有數子悉迎以歸京兆錢明
逸以其事聞詔還就官由是以孝聞天下壽昌以養
母故求通判河中府數歲母卒壽昌居喪幾喪明拊
同母弟益篤又知鄂州提舉崇禱觀累官司農少卿
易朝議大夫遷中散大夫卒年七十

朱京

按宋史朱京傳京字世昌南豐人父軾有隱德京登
進士甲科教授亳州應天府入爲太學錄神宗數召
見論事擢監察御史未幾論大臣除擬有愛憎之私
中書言其失實謫監興國軍鹽稅歷太常博士湖北
京西江東轉運判官提點淮西刑獄司封員外郎元
符初遷國子司業京固辭不拜徽宗初立復命之踰
月而卒

朱服

按宋史朱服傳服字行中湖州烏程人熙寧進士甲
科以淮南節度推官充修撰經義局檢討歷國子直
講祕閣校理元豐中擢監察御史裏行俄知諫院遷
國子司業起居舍人以直龍圖閣知潤州徙泉安寧

廬壽五州紹聖初政因表賀力詆變亂法度之故名
爲中書舍人母喪除拜禮部侍郎湖州守馬城言其
居喪疏几筵而獨處它室謫知萊州徽宗即位加集
賢殿修撰再爲廬州徙廣州哲宗既祥服賦詩有孤
臣正泣龍髯草之語爲部使者所上黜知袁州又坐
與蘇軾游貶海州團練副使斬州安置改興國軍卒

朱蒙正

按尚友錄蒙正字養源邵武人元豐八年登第書爲
衡州茶陵丞大觀中以司農寺丞通判德順軍時郡
守武人越常例遣之甚厚蒙正辭弗獲乃以所遺寄
公裕後守坐臧除名而蒙正無所累

朱定國

按萬姓統譜定國神宗時知六合縣時議開馬昌河
通滁州者定國以爲不可使者以其首具所論數移
地局以困之定國即告致仕歸

朱光庭

按宋史朱景傳景字光庭字公拔十歲能屬文辭父
蔭擢第調萬年主簿數攝邑人以明鏡稱歷四縣令
曾孝寬以才薦簽書河陽判官哲宗即位司馬光薦
爲左正言首乞罷提舉常平官保甲青苗等法遷左
司諫河北餞遣持節行視改左司員外郎遷太常少
卿拜侍御史論蔡確怨謫之罪確死新州拜右諫議
大夫給事中乞補外除集賢殿修撰知亳州數月召
還復爲給事中坐封還劉摯免相制復落職守毫歲
餘徙潞州加集賢院學士鄰境旱饑流民入境者踵
接光庭日爲食以食之常至暮自不暇食遂感疾猶
自力視事出禱雨拜不能興再宿而卒紹聖中追貶

柳州別駕徽宗立復其官

朱長文

按宋史朱長文傳長文字伯原蘇州吳人年未冠舉
進士乙科以病足不肯試吏築室樂圃坊著書閱古
吳人化其賢長吏至莫不先造請謀政所急士大夫
過者以不到樂圃爲恥名動京師公卿薦以自代者
衆元祐中起教授于鄉召爲太學博士遷祕書省正
字元符初卒哲宗知其清純絹百疋有文三百卷

朱輅

按萬姓統譜輅郴人紹聖間登第通判邵陽累治疑
獄人以不寃後知郴終任獄無一死罪甘露降于州
署前之松逾月松下地猶潤人謂其善政所感

朱勛

按宋史朱勛傳勛蘇州人父冲後猶有智數始蔡京
居錢塘過蘇欲建僧寺開會費鉅萬僧言必欲集此
緣非朱冲不可京以屬郡守郡守呼冲見京京語故
冲願獨任京器其能明年召還挾勛與俱以其父子
姓名屬童貫童貫置軍籍中皆得官徽宗頗垂意花石
京諷勛語其父密取浙中珍異以進初致黃楊三本
帝嘉之後歲歲增加至政和中始極盛船輻相衝於
淮汴號花石綱勛擢至防禦使徐鑄應安道王仲閔
等濟其惡流毒州郡者二十年方臘起以誅勛爲名
童貫出師承上旨盡罷去花木進奉帝又黜勛父子
弟姪在職者民大悅然寇平勛復得志時謂東南小
朝廷帝末年益親任之歷隨州觀察使慶遠軍承宣
使燕山奏功進拜寧遠軍節度使禮泉觀使靖康之
難欲爲自全計倉卒擁上皇南巡且欲邀至其第欽

宗用御史言放歸田里言者不已羈之衡州徙韶州循州遣使即所至斬之

朱勝非

按宋史朱勝非傳勝非字藏一蔡州人崇寧二年上舍登第靖康元年爲東道副總管權應天府金人攻城勝非逃去楊進破敵勝非復還視事逾年詣康王言南京爲藝祖興王之地請幸之以圖大計王卽位南京建炎改元試中書舍人兼權直學士院二年除尚書右丞遷中書侍郎三年上自鎮江南幸留勝非經理未幾命爲控扼使已而拜宣奉大夫尚書右僕射會王淵簽書樞密院事兼御營司都統制內侍復用事恣橫諸將不悅謀誣淵結宦官謀反擁兵至行宮門外勝非請高宗遜位太后抱皇子聽政事乃平及上復辟勝非乞罷政授觀文殿大學士知洪州尋除江西安撫大使兼知江州紹興元年馬進陷江州侍御史沈與求論九江之陷由勝非起鎮太緩降授中大夫分司南京江州居住二年呂頤浩薦兼侍讀又薦都督江淮荆浙諸軍事胡安國張躋交章論罷之頤浩力引其人再除兼侍讀尋拜尚書右僕射同中書門下平章事丁母憂起復右僕射兼知樞密院事會久雨勝非累章乞免遂罷五年應詔言戰守四事起知湖州引疾歸勝非與秦檜有隙檜得政勝非廢居八年卒諡忠靖

朱謬

按宋史朱謬傳謬字聖與秀州華亭人初名絳進士第二調忠正軍推官崇寧初由大常丞擢殿中侍御史遷侍御史給事中以同黨籍人姓名故改名進御

史中丞俄兼侍讀徙兵禮吏三部尚書大觀元年拜右丞相卒贈光祿大夫諡忠靖謬出蔡京門善附合不能有所建白

朱缶

按邵武府志缶水口人登大觀三年第知柳州恥出秦檜之門以母老乞歸屢召不起號悠然居士

朱嗣孟

按宋史朱嗣孟傳嗣孟饒州樂平人宣和間進士爲廣德司戶兼司理叛卒戚方破鎮江犯廣德守倉皇遣招安無敢往者奇嗣孟狀貌有膽略遂以命焉嗣孟雅自負不復遜直詣賊壘問所以涉吾地何故爲陳逆順禍福使自擇所處方以迂已殺之事聞贈宣教郎官其子

朱倬

按宋史朱倬傳倬字漢章唐宰相敬則之後七世祖避地閩中爲閩縣人宣和五年登進士第調常州宜興簿張浚薦倬召除福建廣東西財用所屬官與丞相秦檜忤出教授越州用張守薦除諸王府教授檜惡言兵倬論掩骼事又忤之梁汝嘉制置浙東表攝參謀通判南劍建寇阿魏衆數千倬募卒擒獲境內迄平除知惠州陞辭除國子監丞尋除浙西提舉又除右正言累遷中丞知貢舉遷參知政事紹興三十一年拜尚書右僕射高宗自建康回鑾有內禪意倬密奏曰靖康之事正以傳位太遽孟姑徐之屢求去詔以觀文殿大學士提舉江州太平興國宮孝宗卽位諫臣以爲言降資政殿學士明年致仕卒復原職贈特進

朱昭

按宋史朱昭傳昭字彥明府谷人以效用進累官秉義郎浮湛班行不自表異宣和末爲震武城兵馬監押攝知城事金兵內侵夏人乘虛盡取河外諸城鎮昭募驍銳兵卒千餘人出不意攻之殺獲甚衆被圍四日城多圯壞昭以智補禦皆合法然不可復支昭退坐廳事名諸校謂曰城且破妻子不可爲賊汚幸先戕我家而背城死戰徑領數卒屠其家人將出戰賊以利昭守兵得登城昭勒衆於通衢接戰自暮達旦屍填街不可行昭躍馬從缺城出馬蹶墜塹中矢而死

朱震

按宋史朱震傳震字子發荆門軍人登政和進士第仕州縣以廉稱胡安國一見大器之薦於高宗召爲司動員外郎震稱疾不至會江南制置使趙鼎入爲參知政事上諮以當世人才鼎曰臣所知朱震學術深博廉正守道士之冠見使位講讀必有益於陛下上乃召之既至上問以易春秋之旨震具以所學對上說擢爲祠部員外郎兼川陝荆襄都督府詳議官遷祕書少監兼侍經筵轉起居郎建國公出就傳以震爲贊讀仍賜五品服遷中書舍人兼翊善時郭千里除將作監丞震言千里侵奪民田曾經按治願寢新命從之轉給事中兼直學士院遷翰林學士景德七年震謝病丐祠旋知禮部貢舉會疾卒

朱敦儒

按宋史朱敦儒傳敦儒字希真河南人父勃紹聖諫官敦儒志行高潔雖爲布衣而有朝野之望靖康中

召至京師將處以學官敦儒固辭還山高宗即位詔舉草澤才德之士淮西部使者言敦儒有文武才名之敦儒又辭避亂客南雄州張浚奏赴軍前計議弗起紹興二年宣諭使明棄言敦儒達治體有經世才廷臣亦多稱其靖退詔以爲右迪功郎下肇慶府敦遣詣行在敦儒既至命對便殿論議明暢上悅賜進士出身爲秘書省正字俄兼兵部郎官遷兩浙東路提點刑獄會右諫議大夫汪勃劾敦儒專立異論與李光交通敦儒遂罷十九年上疏請歸許之敦儒素工詩及樂府婉麗清暢時秦檜當國喜獎用騷人墨客以文太平檜子嬉亦好詩於是先用敦儒子爲刪定官復除敦儒鴻臚少卿檜死敦儒亦廢

朱弁

按宋史朱弁傳弁字少章徽州婺源人少穎悟讀書日數千言既冠入太學晁說之見其詩奇之與歸新鄭妻以兄女靖康之亂家碎於賊弁南歸建炎初議遣使問安兩宮弁奮身自獻詔補修武郎借吉州團練使爲通問副使至雲中見黏罕邀說甚切黏罕不聽使就館守之以兵紹興二年金人忽遣宇文虛中來言和議可成當遣一人詣元帥府受書還止使王倫受書歸金人迫弁仕劉豫弁不爲屈久之復欲易其官弁不從金人知其終不可屈遂不復強十三年和議成弁得歸秦檜惡其言敵情奏以初補官易宣教郎直祕閣有司校其考十七年應遷數官檜沮之僅轉奉議郎十四年卒

朱懷英

按萬姓統譜懷英字晉老建安人建炎初詔求文武

材略出倫之士有司以懷英列薦從幸揚州又上書略曰楚懷王以五千里之地帶甲百萬不能報父兄之辱臣嘗聞此願爲朝廷銜命折敵責之以義而大兵繼進臣雖不免鄭生之烹亦足仰成陛下孝弟之志雖死猶生也時方議和不果用

朱庭傑

按宋史韓浩傳浩守滁州建炎二年金人攻城浩死通判朱庭傑身被數箭亦死

朱勛

按宋史閣進傳建炎初遣使通問金人拘留使者散處之朱勛分在粘罕所勛見粘罕數日遽求妻室粘罕喜令擇所據內人妻之取最醜者人莫論其意不半月亡去追之還粘罕大怒勛含笑死挺下蓋勛求妻者所以固粘罕也

朱處

按漢水縣志處登政和八年進士建炎二年官左從事郎潭州瀏陽令四年軍賊杜彥等陷瀏陽處力戰三日死之湖南安撫司聞諸朝贈通直郎

朱蹕

按宋史朱蹕傳蹕湖州安吉人知錢塘縣建炎三年金人陷杭州初犯餘杭守臣康允之退保緒山蹕白允之率弓手土軍前路拒敵使杭民爲逃死計行二十里遇金兵蹕兩中流矢左右被至天竺山猶能率鄉兵禦敵後數日遇害時兀木自安吉進兵過獨松關曰南朝若以羸兵數百守此吾豈能遽度哉

朱良

按宋史朱蹕傳朱良者字良伯吳郡人世儒科建炎

中爲海鹽縣尉金兵入境良謂僚友曰今日乃忠臣義士死國之時也被甲執戈集所部百餘人奮而前擊金兵數人死衆爲披靡然力不敵竟死事聞官其子思後守漢陽

朱友恭

按宋史郭訥傳朱友恭西安人以忠翊郎爲涇原第一副將步兵扞金人于華亭數有功會金兵大集友恭赴敵力戰爲所得渭帥既降誘以甘言許優進官秩不肯從更詆辱之帥不勝忿斷其脛以徇經日乃斬之後贈敦武郎

朱孟常

按萬姓統譜孟常建炎中南平知縣不尚苛嚴奏獨累歲通負漁課及購獲強暴置於法民感德之

朱澡

按萬姓統譜澡處州人紹興三年進士知浦城縣事下車延者宿周詢幽隱約民墾荒田滿三歲乃征至期戶稅倍增興學校修孔子廟公暇則召屬吏訓以詩書法律歲早祈禱輒雨考滿陞江陵知府

朱翌

按萬姓統譜翌字新仲安慶人紹興中爲中書舍人秦檜惡其不附己諷言者謂其黨趙鼎謫居韶州十九年名山勝景游覽殆遍所著有湘江集

朱安國

按萬姓統譜安國字康侯登紹興第調泰寧尉宰青陽有聲倅溫州擢監察御史遷經略安撫使擒劇盜陳青及其徒以歸自是威震一方進直徽猷閣知寧國府趣入覲卒于國門外贈朝議大夫平生喜談兵